

Kev Kuaj Kev Hnov Lus Rau Me Nyuam Mos Yug Tshiab

DAIM NTAWV QHIA TXOG QHOV TSEEB



Newborn Hearing Screening Fact Sheet — Hmong



Kev kuaj kev hnov lus rau me nyuam mos yug tshiab yog dab tsi?

Kev kuaj xyuas qhov hnov lus rau cov me nyuam mos yug tshiab yog ib qho kev kuaj xyuas uas kuaj qib kev hnov lus rau cov me nyuam mos qhov uas hnov lus tsis zoo. Nws yog ib ntawm peb qhov kev kuaj cov me nyuam mos yug tshiab uas yuav tsum tau kuaj sai sai kias tom qab yug los, nrog rau kev kuaj ntshav thiab kuaj ntsuas plawv dhia.



Kev kuaj
ntshav



Kev kuaj
plawv dhia



Kev kuaj kev
hnov lus

Vim li cas kev kuaj kev hnov lus thiaj li tseem ceeb?

Nws yog ib qho tseem ceeb uas yuav tau txheeb xyuas qhov sib txawv ntawm qhov hnov lus kom sai li sai tau vim hais tias kev paub hais lus thiab paub lus mas yuav pib loj hlob zuj zus txij thaum yug los. Ib tug me nyuam uas muaj qib kev hnov lus tsis zoo mas tej zaum yuav nyuaj rau kev hais lus thiab kev paub lus yog tias tsis muaj kev pab thaum ntxov. Yog hais tias tus me nyuam muaj cov qib kev hnov lus tsis zoo, feem ntau cov niam txiv los sis cov kws kho mob tsis tuaj yeem pom tau vim tias ntau tus me nyuam mos no pib tawm lub suab nrov thiab tig pes lees thaum hnov ib lub suab. Kev rov qab mus kuaj ntsuas mas yog tib txoj hau kev kom nriav pom cov kev hnov lus tsis zoo thaum ntxov. Kev kawm paub tias koj tus me nyuam muaj kev hnov lus tsis zoo thaum muaj hnub nyoog ntxov yuav pab tau koj thiab koj tus me nyuam nrhiav txoj hauv kev zoo tshaj los sib txuas lus.

Yuav pib kuaj ntsuas kev hnov lus rau kuv tus me nyuam mos li cas thiab rau thaum twg?

Nws tsis zoo li tej kev kuaj ntsuas kev hnov lus rau cov me nyuam yaus thiab cov neeg laus, kev kuaj kev hnov lus rau me nyuam mos yug tshiab mas tsis tas yuav nquag koj tus me nyuam mos mus koom. Dua ntawd, ib qho khoom kuaj me me yuav muaj cov suab nrov yau yau rau thaum ntsuas koj tus me nyuam mos lub pob ntseg sab hauv los sis ntsuas seb muaj kev hnov lus li cas. Tam sim no muaj ob lub tswv yim los ntsuas kev hnov lus rau me nyuam mos yug tshiab muaj xws li kev ntsuas kev hnov lus rau lub pob ntseg sab hauv (otoacoustic emissions, OAE) thiab kev ntsuas kev hnov lus los ntawm txoj hlab ntsha hlwb (automated auditory brainstem response, AABR). Saib sab tom qab yog xav paub ntau ntxiv.

Yuav tsum tau kuaj ntsuas kom sai li sai tau thiab kuaj kom tiav ua ntej koj tus me nyuam mos yuav muaj hnub nyoog puv ib lub hlis. Yog koj tus me nyuam mos yug rau tim tsev kho mob, yuav tsum tau kuaj ntsuas xub thawj ua ntej koj thiab koj tus me nyuam mos los tsev. Kev kuaj kev hnov lus zoo tshaj plaws mas kuaj thaum koj tus me nyuam mos nyob ntsiag to, noj mis tsau npo lawm, thiab thaum nyob kaj siab lug.

Tej kuaj ntsuas tau los yuav txhais tau li cas?

Yog qhov kuaj tau los ntawm koj tus me nyuam nyob theem HLA TAU (PASS), ces qhia tau tias koj tus me nyuam mos yeej hnov lus zoo rau thaum lub sijhawm ntawd. Vim hais tias kev tsis hnov lus tuaj yeem tshwm sim rau thaum ib lub sijhawm twg los tau rau hauv nws lub neej txoj sia, txawm li cas los xij, qhov tseem ceeb ces yuav tau sib tham txog tej kev txhawj xeeb txog qhov tsis hnov lus los sis kev hais lus tsis tau nrog koj tus me nyuam mos tus kws kuaj mob.

Yog tias koj tus me nyuam mos raug kuaj qhov REFER lawm/pom tias kuaj mus tsis dhau li, ces qhia tias yuav tsum tau kuaj ntxiv kom paub tseeb tias koj tus me nyuam mos puas hnov tag nrho cov suab lus uas tseem ceeb rau kev hais lus thiab paub lus. Koj tus kws kuaj mob mam li pab koj teem caij koj mus kuaj kom sai li sai tau.

Qhov OAE thiab AABR ua hauj lwm li cas?

Qhov OAE, tso ib qho yas muag muag rau hauv ob lub pob ntseg ces tso lub suab nrov yau yau thiab mam li ntsuas seb lub pob ntseg hnov lus li cas. Qhov AABR, tso lub mloog ntawm pob ntseg los mus kuaj ntsuas kev hnov lub suab. Tsos cov ntsuas ra ntawm tus me nyuam mos lub taub hau thiab caj dab los mus ntsuas seb tus me nyuam mos qhov hnov cov suab lus zoo li cas. Rau tag nrho OAE thiab AABR, ib lub koos pij tawj ntsuas seb puas PASS los sis REFER/tsis dhau.

Kev Kuaj Kom Pom Kev Hnov Lus Rau Thaum Ntxov thiab Kev Pab Txhawb

Lub khoos kas Pab Txhawb thiab Kuaj Kev Hnov Lus Thaum Ntxov (EHDI) pab txheeb xyuas cov me nyuam mos yug tshiab thiab cov me nyuam mos uas muaj los sis muaj kev pheej hmoo ua rau kev hnov lus tsis zoo thiab coj cov tsev neeg mus rau cov kev pab cuam tiv thaiv uas tsim nyog.

Lub hom phiaj ntawm qhov khoos kas kuaj EHDI mas txhawm rau tag nrho cov me nyuam mos kom muaj:

- kev kuaj ntsuas kev hnov lus ua ntej muaj hnuv nyoog puv 1 lub hlis
- kev tshuaj ntsuam xyuas kev hnov lus ua ntej muaj hnuv nyoog puv 3 lub hlis
- muab kev pab cuam thaum ntxov ua ntej muaj hnuv nyoog 6 lub hlis



kev kuaj

kuaj mob

kev pab txhawb

Minnesota qhov khoos kas kuaj EHDI lub website provides muaj tej ntaub ntawv rau cov niam ntxiv, cov kws kuaj mob, thiab lwm cov kws pab txhawb. Cov niam thiab txiv muaj peev xwm kawm txog txheej txheem kuaj EHDI, nrhiav cov ntaub ntawv los pab coj lawv kev rau hauv qhov kev tshuaj ntsuam xyuas theem kev hnov lus ntawm tus me nyuam mos, cov ntaub ntawv uas hais txog kev pab txhawb thaum ntxov, thiab nrhiav cov kws kuaj kev hnov lus tshwj xeeb thiab cov chaw tshuaj ntsuam xyuas uas nyob rau hauv lawv lub chaw. Lub chaw no kuj muab tej ntaub ntawv los pab rau cov niam ntxiv kom sib txuas tau mus nrog tej kev pab cuam nrog rau cov tsev neeg thiab hauv zej zos.

KOJ PUAS PAUB?

TXHUA XYOO, NTSIG TXOG

1 hauv 300 TUS ME NYUAM MOS

NYOB RAU HAUV MINNESOTA

COV ME NYUAM MOS YUG TSHIAB UAS MUAJ THEEM KEV HNOV LUS TSIS NYOB RAU THEEM UAS IB TXWM HNOV LUS MAS MUAJ PEEV XWM KUAJ POM LOS NTAWM QHOV KEV KUAJ KEV HNOV LUS RAU ME NYUAM MOS YUG TSHIAB.



Puas muaj lus nug ntxiv txog qhov kev kuaj ntsuas no lawm?

Thov tsis txhob me siab hu rau qhov Khoos Kas Kuaj Me Nyuam Mos Yug Tshiab rau ntawm tus xov tooj (800) 664-7772* los sis mus siab peb rau hauv os lais rau ntawm: www.health.state.mn.us/newbornscreening or www.improveehdi.org/mn

**muaj cov kws txhais lus*